



# Farqona haqiqati

Ijtimoiy-siyosiy, ma'naviy-ma'rifiy gazeta

<http://farhaqiqat.uz/>[t.me/farhaqiqati](https://t.me/farhaqiqati)

## Матбуот ва оммавий ахборот воситалари ходимларига

### Қадри дўстлар!

Бугун юртимизда кенг нишонланаётган Матбуот ва оммавий ахборот воситалари ходимлари куни билан сиз, азизларни, муҳтарам фахрийларимизни чин қалбимдан самимий муборакбод этаман.

Бу айём нафақат ўз ҳаётини шу соҳага бағишлаган фидойи инсонлар, балки уларнинг машаққатли ижод ва меҳнат маҳсулидан баҳраманд бўладиган миллионлаб муштарийлар, тингловчи ва томошабинлар, бутун жамиятимиз учун ҳам қадридир.

Мана шундай кунларда миллий матбуотимизнинг тамал тошини қўйган жадид боболаримизнинг: "Матбуот фикрлар тилмочи, миллат ва эл-юрт ривожини йўлида хизматчи, одамлар онгу шуурининг кўеши, ҳар кимнинг виждонига тутилган кўзгу бўлмоғи лозим" деган фикрлари ҳозирги кунимиз учун ҳам ғоят муҳим аҳамиятга эга эканини таъкидлашимиз табиийдир.

Маърифатпарвар аждодларимизнинг бу олижаноб орзу-интилишлари фақатгина мустақиллигимиз тўғрисида рўйга чиқди.

Кейинги йилларда юртимизда рўй бе-

раётган тарихий ўзгаришлар натижасида оммавий ахборот воситаларини эркин фикр минбарига, халқимиз манфаатларининг фаол ҳимоячисига айлантириш учун мустақам ҳуқуқий замин, ижтимоий муҳит яратилди.

Биз мамлакатимизда сўз ва матбуот эркинлигини, ахборот олиш ва уни тарқатиш ҳуқуқини таъминлаш масаласини инсон қадрини улғулаш, демократик жамият ва халқпарвар давлат қуришга қаратилган тараққиёт стратегиямизнинг муҳим ва ажралмас қисми деб биламиз.

Янгиланган Асосий қонунимизда ушбу йўналишдаги конституциявий қоидалар янада мустақамлаб қўйилгани бу борадаги саяҳатларимиз бардавом эканини кўрсатади.

Ҳозирги кунда юртимизда 2140 та ёки 2016 йилга нисбатан 626 та кўп оммавий ахборот воситаси фаолият юритмоқда. Уларнинг 65 фоизи нодавлат медиа воситалари экани соҳада таркибий ўзгаришлар изчил амалга оширилаётганидан далолат беради. Анъанавий нашрлар билан бирга интернет нашрлар ҳам жадал ривожланиб, уларнинг сони 745 тага етгани ва ўқувчилар оммасини тобора кўпроқ ўзига жалб этаётганини қайд этиш лозим.

Давлат идоралари ва маҳаллий ҳокимликлар таркибида ахборот хизматлари йўлга қўйилгани халқ билан мулоқотни кучайтиришга сезиларли таъсир кўрсатмоқда.

Давлат органлари ва ташкилотлари фаолиятининг очиқлиги, шаффофлиги ва ҳисобдорлигини таъминлаш, уларнинг очиқлик борасидаги самарадорлик кўрсаткичларини белгилаш ҳамда илғор халқаро стандартлар асосида баҳолаш тизими жорий этилди. Жумладан, яқинда биринчи марта ўтган йил яқунларига кўра, давлат органлари ва ташкилотларида амалга оширилган ишларни баҳолаш бўйича Очиқлик индекси натижалари эълон қилинган бу йўлдаги муҳим қадам бўлди.

Мамлакатимиз оммавий ахборот воситалари халқаро ахборот маконига ҳам дадил кириб бормоқда. Ўзбекистон Миллий телерадиокомпаниеси ҳамда бир қатор хусусий телестудияларнинг кўрсатувлари жаҳоннинг 100 дан ортик давлатларига узатилмоқда. Ўзбекистон Миллий ахборот агентлиги, "Дунё" ахборот агентлиги ўз хабарларини 10 та хорижий тилда тарқатмоқда.

Кейинги вақтда юртимизда китобхонликни оммалаштиришдек эзгу ишга нашриёт-матбаа соҳаси ходимлари ҳам

муносиб ҳисса қўшаётганини алоҳида эътироф этиш лозим. Сўнгги йилларда республика нашриётлари томонидан 132 миллион нусха бадиий китоб ва бошқа адабиётлар чоп этилгани китобсевар халқимиз, авваламбор, ёшларимизнинг онгу тафаккурини юксалтиришда муҳим роль ўйнаши шубҳасиз.

Оммавий ахборот воситаларини қўллаб-қувватлаш мақсадида ушбу соҳа учун уч йил муддатга даромад солиғи бўйича имтиёзлар берилгани уларнинг иқтисодий ҳолатини барқарорлаштиришда катта мадад бўлмоқда.

### Азиз дўстлар!

Бугунги шиддатли даврнинг ўзи барча соҳалар қатори ахборот йўналишида ҳам олдимизга ўта долзарб вазифаларни қўймоқда.

Ҳозирги вақтда ер юзининг турли бурчакларида юз бераётган, барчамизни ташвиш ва хавотирга солаётган воқеаларни ҳисобга оладиган бўлсак, глобал дунёда ахборотлашув жараёнларининг таҳдидли жиҳатлари ҳам борлиги ва улар тобора кучайиб бораётганидан кўз юмолмаймиз.

Давоми 2-бетда

## Хайрулло БОЗОРОВ:

### КЕЛГУСИ ЙИЛ БАЙРАМНИ ЯНГИ «МАТБУОТ УЙИ»ДА НИШОНЛАЙМИЗ

Кеча Фаргона шаҳридаги "Афросиёб" тантаналар мажмуасида Матбуот ва оммавий ахборот воситалари ходимлари куни тантанали равишда нишонланди.



Давоми 2-бетда

## ЖУРНАЛИСТЛАР

Бир кун пиёда сиз, бир кун рулда,  
Тонгда шаҳардасиз, кечкурун чўлда,  
Умрнинг ярмиси ёмғирда, дўлда,  
Ярмиси тўшалиб ётади йўлда.  
Элим деб, юртим деб ёнган жонларим,  
Журналист дўстларим, кадрдонларим!

Қайгадир ой нури тушмасдир балки,  
Қайгадир етолмас чақмоқлар залпи,  
Журналист халқи-чи, журналист халқи,  
Ҳар ерда туради ярқираб, балқиб.  
Элим деб, юртим деб ёнган жонларим,  
Журналист дўстларим, кадрдонларим!

Битта хабар учун, бир сатр учун,  
Гоҳ олам нурафшон, гоҳида тутун,  
Шундан бахтиёрсиз, шундан бахтлисиз,  
Дунёда бахт йўқдир шу бахтдан устун.  
Элим деб, юртим деб ёнган жонларим,  
Журналист дўстларим, кадрдонларим!

Райҳон-жамбилларни узган нокаслар,  
Яхшилар устидан қулган нокаслар,  
Ҳақиқат менман деб турган нокаслар,  
Сизга дуч келганда титрайди хасдай.  
Элим деб, юртим деб ёнган жонларим,  
Журналист дўстларим, кадрдонларим!

Нонингиз гоҳ бутун, гоҳо яримта,  
Қалбингиз тухматдан гоҳ нимта-нимта,  
Аммо дардингизни айтмай ҳеч кимга,  
Мадад бўлай дейсиз она халқимга.  
Элим деб, юртим деб ёнган жонларим,  
Журналист дўстларим, кадрдонларим!

Абдусайд КҮЧИМОВ.



# Матбуот ва оммавий ахборот воситалари ходимларига

(Бошланиши 1-бетда).

Дунёнинг айрим минтақа ва ҳудудларида оммавий ахборот воситалари муайян сиёсий кучлар қўлида информацион урушни авж олдиришга, жамоатчилик фикрини чалғитишга, оқни – қора, қорани – оқ деб кўрсатишга хизмат қилаётганини афсус билан қайд этишга тўғри келади.

Ахборот маконидаги устунлик кўп нарсани ҳал этадиган бугунги мураккаб вазиятда халқимиз сиз, азизларни демократик матбуотнинг асосий шarti ва талаби бўлган холислик, ҳаққонийлик, миллий манфаатларимизга содиқлик каби принципларга амал қилиб, ўз билим ва салоҳияти, ўткир қалами ва ҳароратли сўзи билан жамоатчиликка ижтимоий жараёнлар моҳиятини англаб етишга кўмаклашадиган, уларни бузғунчи ахборот хуружларидан ҳимоя қиладиган фидойи инсонлар деб билади.

Биз жамият ҳаётида учраётган камчилик ва муаммоларни бартараф

этиш, бюрократия ва коррупция каби иллатларга қарши курашишда, аввало, сиз ҳурматли журналист ва блогерлар, айниқса, миллий медиа маконимизга янги гоя ва ташаббуслар билан кириб келаётган истеъдодли ёшларимизга таянамиз.

Шу боис кенг миқёсда фикрлайдиган, она тили билан бир қаторда хорижий тилларни, ахборот технологияларини пухта ўзлаштирган, юксак малакали, ватанпарвар журналист кадрларни тайёрлаш масаласига устувор аҳамият қаратилмоқда. Бугунги кунда Ўзбекистон журналистика ва оммавий коммуникациялар университети, Ўзбекистон Миллий университети, Ўзбекистон давлат жаҳон тиллари университети, Тошкент давлат шарқшунослик университети, Қорақалпоқ давлат университети, Бухоро давлат университети каби таълим муассасаларида журналистика йўналиши бўйича юзлаб мутахассислар тайёрланаётгани ҳам шундан далолат беради.

Ушбу олий таълим даргоҳларида талаба ёшларимиз босма оммавий

ахборот воситалари ва ноширлик иши, аудиовизуал журналистика, интернет журналистикаси ва менежменти, медиа назарияси ва амалиёти, ҳарбий ва спорт журналистикаси, рақамли медиа, халқаро муносабатлар сингари йигирмадан зиёд таълим йўналишлари бўйича юқори малакали профессор-ўқитувчилардан маҳорат сирларини ўрганаётгани айниқса эътиборлидир.

Биз Янги Ўзбекистоннинг янги журналистикасини яратиш вазифасини ўз олдимизга қўйган эканмиз, бу борадаги миллий анъаналаримиз билан бирга ривожланган давлатлар тажрибасини ҳам ҳар томонлама ўрганишимиз, оммавий ахборот воситалари бўйича дунёдаги етакчи олийгоҳлар, нуфузли халқаро ташкилотлар ва медиа компаниялар билан ҳамкорлик алоқаларини янада кучайтиришимизни ҳаётнинг ўзи талаб этмоқда.

Шу сабабли оммавий ахборот воситаларини изчил ривожлантириш бундан буён ҳам эътиборимиз марказида бўлиб қолади.

Бу соҳада олдимизда турган вазифа-

ларни аниқ белгилаб олиш ва амалга оширишда ҳозирги вақтда Ўзбекистон Журналистлари уюшмаси томонидан тайёрланаётган Миллий маъруза катта амалий аҳамият касб этади, деб ишонаман.

Фурсатдан фойдаланиб, давлатимиз ва жамиятимиз оммавий ахборот воситалари ходимларининг иш ва турмуш шароитларини яхшилаш, уларнинг машаққатли ва масъулиятли меҳнатини рағбатлантириш, соҳанинг моддий-техник ва кадрлар салоҳиятини мустаҳкамлаш учун зарур ёрдам кўрсатишга тайёр эканини яна бир бор таъкидлайман.

Сизларни қутлуғ касб байрамингиз ҳамда яқинлашиб келаётган улуг айём – Қурбон ҳайити билан табриклаб, барчангизга сиҳат-саломатлик, ижодий фаолиятингизда янги ютуқлар, ҳонадонларингизга бахт-саодат ва файзу барака тилайман.

**Шавкат МИРЗИЁЕВ,**  
Ўзбекистон Республикаси  
Президенти.

## Хайрулло БОЗОРОВ:

### КЕЛГУСИ ЙИЛ БАЙРАМНИ ЯНГИ «МАТБУОТ УЙИ»ДА НИШОНЛАЙМИЗ

(Бошланиши 1-бетда).

Ўзбекистон Республикаси Олий Мажлиси Сенати аъзоси, вилоят ҳокими Хайрулло Бозоров қалам аҳлини касб байрами билан самимий муборакбод этиб, жумладан шундай деди:

– Жамиятимиз ривожда матбуот ва оммавий ахборот воситаларининг роли ва аҳамияти беқиёс. Давлатимиз раҳбарининг соҳа ривожига алоҳида эътибор қаратаётгани бежиз эмас. Вилоятимизда ҳам матбуот ва оммавий ахборот воситалари айрим қийинчиликларга қарамасдан замон билан ҳамнафас қадам ташламоқда. Бунда азиз матбуот фахрийларининг, фидойи журналистларнинг меҳнатини алоҳида таъкидламоқчиман. Мана шу даврада ўтирган қалам аҳлини, фахрий устозларни, вилоятимизнинг барча журналистларини касб байрамлари билан қизғин муборакбод этаман. Сизларга сиҳат-саломатлик, бахт-саодат тилайман, қаламингиз ҳамisha ўткир, сўзингиз таъсирчан бўлсин. Насиб этса, келгуси йил байрамни янги "Матбуот уйи"да нишонлаймиз.

Тадбирда Хайрулло Бозоров



Ўзбекистонда хизмат кўрсатган журналистлар Дониёр Эргашев, Муҳаммаджон Обидов, матбуот фахрийлари Аҳмадали Хўжаев, Баҳодир Зиёқўзиёв, Фуломжон Бурҳонов, Шаҳзода Содиқова, Олимжон Ҳақимов, Ҳамиджон Бурҳонов, Собиржон Отабоев ва бошқа бир гуруҳ матбуот ва оммавий ахборот воситалари фахрийларига вилоят ҳокимининг Фахрий ёрлик, қимматбаҳо совғаларни топширди.

Ўзбекистон Журналистлар уюшмаси вилоят бўлими раиси Муҳаммаджон Обидов матбуот ривожига ва ёш кадрларни тарбиялашга қўшган катта ҳиссаси учун бир гуруҳ фахрийлар ва журналистларни Фахрий ёрлик ҳамда эсдалик совғала-

ри билан тақдирлади.

– Бу йилги касб байрамимиз ўзгача руҳ ва кўтаринки кайфиятда ўтмоқда, – дейди Фурқат тумани "Навбахор" газетаси бош муҳаррири Дурдона Ғафорова. – Айниқса вилоят ҳокимининг матбуот ва оммавий ахборот воситалари, журналистларга билдирган самимий фикрлари бизни янада шижоат билан ишлашга руҳлантирди. Байрам ташкилотчиларига миннатдорчилик билдираман.

Байрам тантанасига вилоятимиз санъат усталари ва ёш ижрочиларининг дилрабо кўшиқ ва рақслари файз бағишлади.

**А. БОБОЖОНОВ,**  
"Фарғона ҳақиқати"  
муҳбири.



Муқимжон ҚОДИРОВ олган суратлар.





Убайдуллоҳ ҳожи  
АБДУЛЛАЕВ,  
Фарғона вилояти  
бош имом-хатиби

# Амаллар мақбул, дуолар ижобат бўладиган кунлар муборак!

Аллоҳ таолога битмас-туганмас  
ҳамду санолар ва жаноби  
Пайғамбаримиз Муҳаммад  
Мустафога салавоту саломлар  
бўлсин.

**Зулҳижжа ойи ҳижрий сананинг сўнгги ойи  
ҳисобланиб, бир қанча фазилатларга эгадир.  
Жумладан, бу ой уруш ҳаром қилинган ойлاردан,  
мўминлар ҳаж амалини адо этадиган ойдир. Бутун  
ислом аҳли муборак Қурбон ҳайити байрамини  
нишонлайдилар, қурбонликлар қиладилар.**

Аллоҳ таоло Қуръони каримнинг Фажр сурасида марҳамат қилиб: "Тонгга қасам. (Зулҳижжа ойининг аввалги) ўн кечага қасам. Жуфт ва тоққа қасам", деган.

Оятдаги "жуфт"дан мурод зулҳижжа ойининг ўнинчи куни, "тоқ"дан мурод эса тўққизинчи кундир. Муфассирлар Аллоҳ таоло зулҳижжа ойининг аввалги ўн куни билан қасам ичгани учун ҳам фазилатли, дейдилар.

Набий соллаллоҳу алайҳи васаллам: "Зулҳижжа ойининг ўн кундаги амалдан кўра афзалроқ амал йўқдир", деганлар (Имом Ибн Ҳиббон ривояти).

Ибн Аббос розияллоҳу анҳумодан ривоят қилинади. "Расулulloҳ соллаллоҳу алайҳи васаллам: "Аллоҳ таоло наздида бирор кун ва у кунларда қилинган амал ушбу ўн кундаги амалдан афзал бўлмас. Бас, бу кунларда таҳлил ва такбирни кўпайтиринглар. Чунки, бу таҳлил, такбир ва Аллоҳнинг зикр қилиш кунларидир. Бу кунларда бир кунлик рўза бир йилги рўзага

баробар бўлади. Бу кунларда қилинган бир амалга етти юз баробар (ажр) кўпайтириб берилади", дедилар (Байҳақий ривоят қилган).

Арафа куни ҳаж амалларини адо қилаётган (бўлажак) ҳожилар Арафот майдонида тоату ибодат, дуо-ю илтижолар билан машғул бўладилар. Арафа куни тутилган рўза ҳақида Пайғамбаримиз соллаллоҳу алайҳи васаллам: "Арафа кунининг рўзаси ўздан аввалги бир йил ва ўздан кейинги бир йилнинг гуноҳларига каффорат бўлишини Аллоҳдан умид қиламан", деганлар (Имом Муслим ривояти).

Зулҳижжанинги ўнинчи куни – ийд ал-Адҳо, яъни Қурбон ҳайити куни! Ҳайит хурсандчилик байрами. Унда ота-она ва аҳли оила, фарзандларни ширин сўз ва ҳадялар билан қувонтириш, шунингдек, кексаларни, заиф ва бетобларни зиёрат қилиб, ҳолидан хабар олиш, совғалар улашиш каби қалбларга сурур бағишлаш динимизда мақталган амаллардан.

**Қурбон ҳайити – мусулмонларнинг шоду хуррамлик, кўнгил олиш, меҳр-оқибат, хайр-саховат кўрсатиш, бир-бири билан дийдорлашув байрамидир. Уни шарият талабларига мувофиқ, хуш-кайфиятда ўтказиш мақталган амаллардан.**

Ҳайит байрами кунда бирор сабабга кўра аразлашган, гина-кудуратли таниш-билишлар ҳам бир-бирига қучоқ очса, ўзаро уэр сўрасалар, мақсадга муво-

фиқ бўлади. Чунки, кечиримли ва меҳр-шафқатли бўлиш ҳар бир мусулмон учун ҳам қарз, ҳам фарздир.

Қурбон ҳайитининг яна фазилатидан бири нисобга эга мусулмонларга қурбонлик қилишларидир. Қурбонлик сўзининг ўзаги "қурбон", арабчадан таржима қилинганда "яқинлашиш" деган маънони билдиради. Демак, ҳар бир қурбонлик қилувчи мусулмон киши, албатта, Аллоҳга яқин кишилардандир.

Қурбонлик қилиш – "Аллоҳ таолога яқин бўлиш ниятида махсус вақтда, хос бир ҳайвонни сўйиш"дир. Қурбонлик қилинадиган "махсус вақт" дегани – зулҳижжа ойининг ўнинчи (яъни, Қурбон ҳайити куни), ўн биринчи ва ўн иккинчи кунларидир. Унинг охириги вақти зулҳижжанинги ўн иккинчи куни кўёш ботиши билан ниҳоясига етади.

Фурсатдан фойдаланиб, ўз номимдан, қолаверса, Ўзбекистон мусулмонлари идораси Фарғона вилояти вакиллиги, устозлар, уламолар ҳамда барча имом-хатиблар номидан халқимизни ушбу мўътабар айём билан табриклайман.

Барчамизга кириб келаётган муқаддас Қурбон ҳайити байрами муборак бўлсин! Эзгу ишларимиз, интилишларимизда Аллоҳнинг Ўзи мададкор бўлсин!





## MATBUOT VA OMMAVIY AXBOROT VOSITALARI XODIMLARI KUNI



# ЯНГИЛАНАЁТГАН ЖАМИЯТ, ЯНГИЛАНАЁТГАН МАТБУОТ

**Илк бор варақа чиқарилганига ҳам икки юз йилдан ошди. Бир қарашда бу қисқа муддат. Аммо бир парча қоғозда тарқатилган ахборот дунёни остин-устун қилгудек қудратга эга кунлар ўтди шу даврда.**

Бугун ахборот технологиялари ривож топди. Тезкорлик, онлайн намоиш қилиш имконияти анъанавий журналистика қоидаларини ёриб чиқди. Аввалига интернет, сўнгра ижтимоий тармоқлар ахборот тарқатишда етакчилиكنи қўлга олди. Бугун-эрта босма нашрлар тўхтайтиди, дегувчилар ҳам бор. Ҳа, журналистика бўрони рўй бераяпти. Аммо битта тарихий ҳақиқат бор: анъанавий журналистика яшайди.

ОАВ муаммоларига дош беролмаган Фарғона вилоятидаги ўнлаб босма нашрлар фаолиятини тўхтатгани рост. Муассис ва таҳририят ҳамкорлиги мустақкам, журналистлар жамоаси юқори малакали газеталар, масалан, "Истиқбол йўли", "Марказий Фарғона", "Бувайда кўзгуси", "Риштон ҳақиқати", "Водил ёғдуси" мунтазамлигида ўрнатилган бўляпти. Улар ҳафтанинг белгиланган кунлари туман янгиликлари билан бирга, муаммолари

ёритилган мақолаларни ҳам босмоқда. Ижтимоий ҳаётдаги ютуқ ва камчиликлардан жамоатчилиكنи хабардор қилапти.

Афсуски, "Қўқон садоси", собиқ "Янги Фарғона", "Давр овози" каби яна бир қатор газеталар аллақачондан бўён нашр этилмапти. Бунинг сабабларидан бири – журналист ҳамкасбларимизнинг масъулиятсизлиги билан боғлиқ.

ОАВларидаги бўшлиқни интернет сайтлари ва ижтимоий тармоқ эгаллаб олди. Уларда воқелик ҳатто тўғридан-тўғри намоиш этиляпти. Бу ахборот изловчи, тармоқлардан фойдаланувчи учун қулайлиқдир. Афсуски, таҳлилий, танқидий, бадиий жанрлар йўқолиб бормоқда. Ҳақиқий малакали журналистика ўрнини ижтимоий тармоқлардаги саводсиз, малакасиз, тухмат ва иғводан иборат пала-партиш хабарлар эгаллаган вазиятларга дуч келасиз.

Тўғри, жамият ўзгарди. Сўз, матбуот эркинлигига кенг йўл очилди. Фикрлар хилма-хиллиги муҳим жиҳатлардан бирига айланди. Аммо ижтимоий тармоқ манфаатларга хизмат қилувчи, ноҳолис ахборотлар макони бўлиб қолган ҳоллар ҳам йўқ эмас. Жамиятдаги янгиликни, эркинлик ҳеч қачон ноҳолис ахборот тарқатишга изн бермаслиги керак.

Бугун матбуот ва оммавий ахборот воситалари ходимлари кунини, бизнинг касб байрамимиз. Айнан шундай паллада биз ортга ва олдинга қараб хулоса чиқармоғимиз лозим.

2023 йил вилоятда яна бир босма нашр пайдо бўлди. У ахборот бозоридан муносиб жой олишига умидворимиз.

2023 йилда вилоят журналистикаси вакили халқаро "Олтин қалам" мукофотида сазовор бўлди. Бу мукофот бир инсон номига берилган бўлса-да, у Фарғона журналистикасининг эътирофидир.

2023 йилда вилоятдаги ҳамкасбларимиз ижодий фаолияти, ўй-фикрлари ҳақида Хадичахон Каримованинг "Буни умр дерлар" китоби чоп этилди. У Фарғона журналистикасига сарҳисобдек

Buyayda tumani hokimligi ijtimoiy-siyosiy gazetasi

MARKAZIY FARG'ONA

Toshloq tongi

VIYUN SESHANBA № 18 (22706)


тасаввур қолдиради.

Олдинда эса вазифалар кўп. Энг аввало, босма ва электрон ахборот воситаларидаги ҳолислик, адолат ва малакавий кўрсаткични янада мустақкамлаш лозим. Манфаат журналистикасига асло йўл қўймаслик лозим. Амал ва амалдорлар ўткинчи, ҳолислик, адолат боқий.

Азиз ҳамкасбларимни, фахрий устозларни қалам аҳли байрами – Матбуот ва оммавий ахборот воситалари ходимлари кунини билан табриклар эканман, сизларга сиҳат-саломатлик, узоқ умр тилайман.

Журналистикамиз мусаффолиги абдий бўлсин!

**Муҳаммаджон ОБИДОВ,**  
Ўзбекистон Журналистлар уюشمаси Фарғона вилоят бўлими раиси.



## "РУХСОР"ИНГДАН АЙЛАНАЙ!

Исталган пайт телевизори ёқинда, "Рухсор" кўрсатувларини кўринг ёки қисқа тўлқинлар орқали радиоэшиттиришларини тингланг. Уларда юртимиз ижтимоий-сиёсий, иқтисодий, маънавий-маърифий ҳаётига оид хабарлар, хориж янгиликлари, шунинг баробарида, аҳолини қийнаётган муаммолар очиқ-ойдин айтилади.

Ҳа, бугун сизу бизга хабар йўллаётган журналистларнинг шижоати ўзгача, мақсад ва муддаоси аён. Нафақат ислохотлар жараёнини, балки жойлардаги муаммоларни очиқ-ойдин айтиш, раҳбарларга микрофон

тутиб, халқни қийнаётган масалалар ечимига жавоб излаш соҳа ходимларидан тезкорлик, малака ва журъат талаб қилади. Шундан бўлса керак, бугун ҳар бир ОАВнинг ўз кузатувчиси, кўрсатувларини интиқиб кутадиган мухлиси бор.

Мамлакатимизда матбуот ва оммавий ахборот воситалари ходимлари кунини арафасида ҳаёлимиздан шу каби ўйлар ўтди. Кейинги пайтларда нодавлат телерадиоканаллар сафида ўз ўрнини эгаллаб бўлган "Рухсор" телерадиоканалида бўлиб, эфир жараёнлари, ходимларга яратилган шароитлар билан танишдик. Уларнинг фаолиятига яқиндан разм солдик.

2007 йилнинг 17 сентябрида

водий бўйлаб илк маротаба FM 105 ва 104 тўлқинлари орқали "Рухсор" радиоси хабарлари тарқалди. Орадан икки йил ўтиб, "Рухсор" телекўрсатувлари эфир юзини кўрди.

– Замонавий журналистика асосида иш бошлаган телерадиоканални ташкил этишдан мақсад аҳолига ҳолис ва ишончли ахборотни етказиш, ахборот муҳитини сифатли маҳсулотлар билан тўйинтириш, муҳим ҳодисаларни ҳолис ва тезкорлик билан ёритишни таъминлаш эди, – дейди "Рухсор" телерадиоканали таъсисчиси Нуриддин Асқаров.

Дарҳақиқат, бугунги кунда "Рухсор" телерадиоканали

гани эътиборга молик.

Бундан ташқари, "Рухсор"даги ижодий кечалар, телевизион учрашувлар, юзма-юз мулоқотлар, миллий маданий меросимизга оид дастурлар нафақат водий, балки қўшни республикалар аҳолисининг "Рухсорингдан айланай!" дегувчи севимли кўрсатувларига айланди.

– Бугунги кунда ижодкорлар дунёқараши эркинлашиши натижасида тайёрлаётган кўрсатувлари ҳам кечагисидан тубдан фарқ қилмоқда. Кўрсатувларда эркин мушоҳада юритиш, ҳолис, ҳаққоний ва халқчил мавзуларни ёритиш масаласи асосий ўринга чиқмоқда, – дейди ижрочи директор Наврўзбек Магрипов.

Айтиш жоизки, 2022-2023 йиллар "Рухсор" телевидениесида туб ислохотлар вақти

бўлди. Бу даврда Ўзбекистон миллий ассоциациясига аъзо бўлиш баробарида, мамлакатимиздаги барча нодавлат телерадиоканаллар билан мустақкам ҳамкорлик ўрнатилди. Телерадиоканал аудиториясини янада кенгайтириш, кўрсатувлар, эшиттиришлар сифати ва салмоғини ошириш, тўғридан-тўғри эфирларни йўлга қўйиш мақсадида хориждан замонавий техникалар, хусусан, кўчма телестудия сотиб олинди. Бу билан воқеликни жойидан эфирга узатиш имконияти яратилди. Шунингдек, рақамли телевидение орқали "Рухсор" телекўрсатувлари дунёнинг юздан ортиқ мамлакатига тарқатилиши жамоанинг улкан ютуғидир.

**М. ТУРҒУНБОЕВА.**





# КАСБИ ТУФАЙЛИ ҚАДР ТОПДИ

**Устоз Алишер Раҳматуллаев ҳақида гап кетганда, беихтиёр ўн уч-ўн тўрт ёшлигимга қайтаман. Эндигина кўнгилдан ўтаётган чиройли сўзларни "мақола" санаб, бобом билан таҳририятга кириб келдик. Ҳаяжон ва ҳайрат билан бош муҳаррир хонасига киришга изн сўрадик. Бизни раҳбарларга хос жиддий, бироқ юзиди самимийлик уфуриб турган инсон, бир оздан сўнг танишиб билганим Алишер Раҳматуллаев кутиб олди.**

Бош муҳаррир менинг ижод намуналаримни шошмасдан, синчиклаб ўқиб чиқди. Унинг юз ифодасидан, ҳатто киприк қоқишигача кузатиб турибман.

– Яхши қизим, жуда бизбоп хабар бўлибди-да, ёзавер, кўп ўқи, кўп ёзиб тур, қаламинг чархланади, – деди.

Бош муҳаррир мақоламни ўзида олиб қолгани менга бир олам қувонч бағишлади, келгусида журналист бўлишимга ишонч уйғотди.

...Алишер Раҳматуллаев Фарғона туманида туғилиб ўсган. У болалигиданоқ эртақлар оламига шўнғиди. Ҳикматлар тўла ривоятларни тинглади, ҳикоя, қисса, романларни кўп ўқиди, мумтоз адабиётга ҳам юксак меҳр қўйди. Уқувчилик пайтлари матн, шеър, ғазалларни ифодали, таъсирли ўқир, баъзан адабиёт дарсида ўзининг ўқувчи эканини ҳам унутиб, ҳудди ўқитувчилардай мушоҳада юритар, асарларнинг ғоя ва мазмунини кенг муҳокама қиларди.

Билимга бўлган муҳаббат уни Фарғона давлат педагогика институтининг рус тили ва адабиёти факультетига етаклади. Меҳнат фаолиятини эса ўша йиллари республикада ягона ҳисобланган Аввал аҳолига маиший хизмат кўрсатиш кадрлари тайёрлаш техникумида ўқитувчилардан бошлади. Аммо журналистика соҳасига бўлган муҳаббат уни тумандаги "Шонли меҳнат" ("Водил ёғдуси") таҳририятга чорлар, ўқув юрти, ёшлар ҳаётидан лавҳалари, долзарб мавзулардаги туркум мақолалари босилиб туриларди.

Ёш педагогнинг имзоси билан чоп этилаётган мулоҳазали, таҳлилий мақолалар ту-

ман раҳбарияти эътиборини тортди. "Шонли меҳнат" газетаси бош муҳаррири Қодиржон Шодмонов 1972 йилда Алишер Раҳматуллаевни таҳририятга таклиф қилди. Туманда у кирмаган қишлоқ, маҳалла қолмади ҳисоб. Ҳамиша одамлар орасида бўлди, дарду ҳасратларини, орзу ва армонларини газета саҳифаларига олиб чиқди. Ҳали қўлида ястанган пахта далаларидаги улкан хирмондан сўз юритса, ҳали долзарб муаммога ечим излаб бонг урарди. Нафақат туман, балки вилоятнинг ижтимоий-маънавий ҳаётини, долзарб ва муҳим масалаларни ҳам ёритиб тургани боис, кўплаб устозлар эътиборига тушди. Уларнинг таклифи билан вилоятнинг бош наشري бўлган "Коммуна" ("Фарғона ҳақиқати") газетаси таҳририятга ишга ўтди.

Алишер Раҳматуллаев устозларини ҳаммаша яхши хотиралар билан эслади.

– Наримон Эркинов, Дониёр Эргашев, Абдуҷаббор Ҳусанов, Қодиржон Шодмонов, Аминжон Абдуллаев, Аъзамжон Ортиқов, Воғиз Музаффаров менга касб сирларини ўргатиб, ҳаётимда ўчмас из қолдирдилар. Устозлардаги соҳага бўлган садоқат, фидойилик, ишонч мени юксак марралар сари ундади. Уларнинг ижоди, ҳаёт йўллари, тажрибаси ҳаммаша ўрнак бўлди.

Алишер Раҳматуллаев "Коммуна" газетаси таҳририятида саноат, қурилиш, транспорт соҳасида равон қалам тебратди. Шу сабабли ҳам таҳрир ҳайъати тавсиясига асосан, адабий ходимликдан саноат, қурилиш, транспорт ва алоқа бўлими мудирлигига ўтказилди, таҳрир ҳайъати аъзоси дара-



жасига кўтарилди. 1976 йилда Ўзбекистон Журналистлар уюшмаси аъзолигига қабул қилинди.

1995 йилда Фарғона шаҳар ҳокимлиги муассислигида "Фарғона тонги" газетаси ташкил этилди. Унга Алишер Раҳматуллаев бош муҳаррир этиб тайинланди. Тажрибали журналист икки йил давомида газетанинг мазмунли, ўқимшли чиқишини таъминлади, ўнлаб шогирдларига устозлик қилди. Бу орада Республика Маънавият ва маърифат марказида маънавият тарғиботчилари учун ташкил этилган махсус ўқув курсини муваффақиятли тамомлади. Сўнгра Фарғона нефтни қайта ишлаш заводининг маънавият ва маърифат бўлими бошлиги вазифасида меҳнат фаолиятини давом эттирди.

Устоз йирик саноат корхонасида хизмат

қилса-да, аслида журналист бўлиб тобланган эди. Шунинг учун ҳам у завод наشري сифатида "Нефтчи овози" газетасини ташкил этишга ҳисса қўшди. Мана 2005 йилдан буюн газета корхонанинг ҳар бир цехи, ҳар бир ишчиси қўлига етиб бормоқда, севиб ўқилмоқда.

Алишер Раҳматуллаев қаламига мансуб шеърлар матбуотда кўп бора эълон қилинган. "Юрт қадр" номли шеъррий тўплами 2007 йилда нашрдан чиққан.

Бугунги кунда фарзандлари, неваралари оғушида умргузаронлик қилаётган устозга ҳавасимиз келади. Ахир ҳаётда касби ортидан кадр топмоқ, улугликка эришмоқ катта бахт!

Маҳиёра БОЙБОБОВА.



**Гулнора сўлим Аввал қишлоғида дунёга келган. Оддий касб эгаси бўлган отаси уни илк бор қўлига олган кунни яхши ниятлар билан "Журналист қиз кўрдим" дея қувончини яқинларига билдирганди. Чунки, у радио, телевидение орқали эфирга узатилаётган янгиликларнинг шайдоси эди, республика ва чет мамлакатларга оид хабарларни "жон қулоғи" билан тингларди. Журналистларнинг касбига ҳавас қиларди, уларга ҳурмати баланд эди. Фарзанди келажак ҳақида яхши ният қилган отанинг орзуси йиллар ўтиб ҳақиқатга айланишига ҳеч кимнинг ишонгиси келмаганди ўша дамда...**

Ўрта таълим мактабини битиргандан сўнг азим Тошкентга йўл олган Гулнорага талабалик насиб этди. Отасининг дуоси билан вояга етган қизнинг ягона орзуси ҳам таниқли журналист бўлиш

эди. Илоҳий иқтидор эгаларини етук касб-кор эгаси этиб тарбиялаётган, уларга мутахассислик бўйича назарий ва амалий таълим бериб келаётган Ўзбекистон жаҳон тиллари университети-

## “БОШЛАНГ, СИЗ ЭФИРДАСИЗ!”

нинг халқаро журналистика факультети қишлоқ қизининг орзулари парвозига чинакам қанот бўлди.

Табиат ҳам унинг журналист бўлиши учун инъомини аямаганди гўё. Гулгун чехра, жарангдор овоз, фикрлар бойлиги Гулнора Фиёсованинг талабаллигида-ёқ ижод сари дадил қадам ташлашида муҳим ўрин тутди. У олийгоҳ миқёсидаги маънавий-маданий тадбирларда фаол иштирок этди. Республика матбуот нашрлари, телерадиокомпаниялари билан ҳамкорлик қилди. Айниқса, ижодий кўрик-танловларда бир неча бор ғолибликни қўлга киритганлиги келгусидаги фаолияти ҳам муваффақиятли бўлишига замин яратди.

Гулнора Фиёсованинг дастлабки мақолалари, ижодий намуналари "Фарғона ҳақиқати" газетасида чоп этилган, шу қутлуғ даргоҳда амалиёт ўтказган. Ёш журналист сифатида меҳнат фаолиятини Фарғона телерадиокомпаниясида бошлади. Жарангдор овози билан вилоят ижтимоий-маънавий ҳаётига оид хабарларни юртдошларимизга етказиб турди. Бугунги кунда эса у Ўзбекистон Миллий телерадиокомпанияси "Ёшлар" телеканалининг вилоят бўйича муҳбири, шу билан бирга, Фарғона телерадио компаниясининг информацион-таҳлилий кўрсатувларига муаллифлик қилиб келмоқда.

– Ҳаяжон телебошловчининг, умуман журналистнинг душмани. Бу ҳис орқали

сўзларни эсдан чиқара бошлайсан, ўзингни қўйга жой излай бошлайсан. Уни енгил, миллион нигоҳларга боқиб бир сўз айта олиш ҳар кимнинг иши эмас, – дейди Гулнора касбининг нозик жиҳатларига оид саволимизга жавоб бераркан. – Албатта, журналистиканинг ўзига хос машаққати бор. Энг муҳими, дадиллик, ўзига ишонч.

Гулнора Фиёсова овозининг, талаффузининг рангинлигига, сўзларининг жилосига алоҳида аҳамият қаратади. Воқеликни холис, ўткир нигоҳ билан кузатади. Халқона тилда томошабинлар эътиборига ҳавола этади. Шундан бўлса керак, унга "Ёшлар" телеканалининг "Ёшлар вақти" кўрсатуви ишониб топширилган. У касбининг оғирлигидан чўчимайди. Баъзан тун ярмига қадар тасвирга олиш, монтаж жараёнларида қолиб кетади. Кимнингдир сийрати, фаолият йўли ҳақида нимадир топиб гапириш, қайсидир соҳани таҳлил қилиш осон кечмаслиги, бу – касбнинг тоши оғирлигидан далолат беради.

Гулнора Фиёсованинг ҳаёти ва меҳнат фаолиятига мужассамлашиб, бир бутунлик касб этгучи сўз бор – "Бошланг, сиз эфирдасиз!". Камера ортида доимо жаранг сочгучи ушбу жумла уни ҳаётнинг энг қайноқ нуқтасини томошабинлар учун ҳавола этишига чорлайверади.

Муаттар МАҲМУДОВА.



**Ёзёвон Марказий Фарғонанинг юраги, ўтган асрнинг ўрталарида қум-барханлари ўрнида ўзлаштирилиб, ташкил этилган тумандир. Бугун туманда 117 минг нафар аҳоли яшайди.**

# ЁЗЁВОН ЯНГИТДАН ТОИФАЛАНИШГА ТАЙЁР



Сўнги йилларда Ёзёвон маркази, қишлоқлари обод бўлди, кўплай хизмат кўрсатиш нуқталари ташкил этилди. Пахтачилик, ғаллачиликда ҳосилдорлик кўтарилди. Аммо туман узоқ йиллардан буён ўз харажатларини ўзи қоплай олмайди, яъни субсидияда. 2022 йилги тоифаланишда эса Ёзёвон иқтисодий кўрсаткичлари заиф бўлган 5-тоифага киритилди. Бунинг асосий сабаблари бор эди, албатта.

– Саноат корхоналарининг камлиги, саноат маҳсулотлари ҳажми бўйича вилоят кўрсаткичидаги улушимиз пастлиги, хизмат кўрсатиш, қишлоқ хўжалиги соҳаларидаги қоқоқлик, қолаверса, ишсизлик даражасининг юқорилиги 5-тоифага киритилишимизга сабаб бўлди, – дейди туман ҳокими ўринбосари Фарҳоджон Маматқулов.

Албатта, давлат бу тоифадаги туманлар, унинг аҳолиси иқтисодийетини қўллаб-қувватлаш учун, аввало, солиқ имтиёзи, преференциялар берди. Бугун ёзёвонлик ишлаб чиқарувчи рамзий миқдорда, яъни 1 фоизгина солиқ тўлайди.

Туман халқи ориятли. Улар раҳбарлар атрофида жипслашиб, вазиятни ўнглаш, Ёзёвон нуфузини муносиб ўринларга олиб чиқишга астойдил киришдилар.

Мана, қисқа вақт ичида эришилган натижалардан айрим мисоллар. Ёзёвон тумани тарихида ҳеч қачон пахтани қайта ишлаш заводи бўлмаган. Етиштирилган пахта кўшни туман заводларига юборилган. Табиийки, саноат корхонаси солиқ тушуми ҳам ўша ерда қолган. 2022 йил охирида кластер алмаштирилди-ю, жуда қисқа вақт ичида тўрт йўналишни қамраб оладиган янги завод қурилди.

– Пахтани қайта ишлаш заводининг биринчи босқичи ишга тушди. Унга 20 миллион АҚШ доллари сарфланиб, 800

та ишчи ўрни яратдик, – дейди “Posco international” кластери менеджери Абдуҳалим Раҳмонов. – Иккинчи лойиҳада ёғ-мой корхонаси, кейин сунъий тола ишлаб чиқариш йўлга қўйилди. Барча лойиҳалар 2022-2023 йилда амалга оширилди. Келажақда аралаш толалардан мато тўқиш корхонасини қурамыз.

Ёзёвонликлар ишга, янгиликка чанқоқ. Туркиялик инвестор Эрхон Тохтали билан бўлган биринчи суҳбатдаёқ кўпдан буён бўш турган бинолардан бирини унга ижарага беришди. Лафз кучи ишини кўрсатди. Эрхон Тохтали тумандаги биринчи тикувчилик корхонасини очди. Бу ерда тикилган спорт ва ички кийимлар турк ширкатлари орқали дарҳол хориж бозорига киритилди.

– Ёзёвонда бу корхонани очганимизга икки ой бўлди. 180 ишчи ўрни яратдик. Маҳсулотларимизни Исроил, Россия, Қирғизистонга экспорт қиляпмиз. Эндиги мақсадимиз – Ёзёвонда трикотаж мато тўқиш корхонасини очишдир, – дейди Эрхон Тохтали.

Туман раҳбарияти замонавий кўп қаватли тикувчилик ва тўқув корхонаси қуриш учун ер майдони танлаб, уни белгиланган тартибда савдога қўйди. Энди “Лаванта текст”нинг ўз бинолари қурилади.

Ҳар ерни машҳур қилувчи ўзига хос томони бўлади. Ёзёвон энг қисқа вақт ичида балиқчиликда ном чиқарди.

Туманда 64 та балиқчилик фермер хўжаликлари ташкил этилди. Сунъий кўллар майдони 1870 гектарга етди. “Катта тош балиқлари” илғор фермер хўжаликларидан бири. Ҳикматилло ота Имомов нафақага чиққач, ўғли Файзуллони ёнига олиб, Ёзёвон чўлларини обод қилишга киришди.

– Дастлаб бу ерлар қум барханларидан иборат эди. Ҳозиргача 70 гектар

майдонни ўзлаштириб кўл қилдик ва балиқ боқяпмиз, – дейди фермер хўжалиги раҳбари Файзулло Имомов. – 2022 йилда 200 тонна балиқ етиштирдик. “Сазан”, “илонбоши”, “лаққа”, “оқ амур” каби балиқлар бор. 2023 йилда яна 20 гектар ерни ўзлаштириб, кўлимизни кенгайтирдик.

Интенсив усул балиқчиликда, аввало, етиштирилаётган маҳсулот ҳажмини кескин оширди. Бу йил биргина шу фермер хўжалиги 300 тонна балиқни эл дастурхонига тортиқ қилиш ниятида.

Ёзёвоннинг яна бир хусусияти бор эди. Туман ҳудудидан “Анджон – Тошкент” А-73 халқаро автойўли ўтади. Аслида бу хизмат кўрсатиш тармоғини ривожлантириш учун катта имконият эди. Аммо бунга етарлича эътибор берилмаган. Сўнги бир йилда бу соҳа кўрсаткичлари уч баробарга ошди. Йўл бўйида савдо шохобчалари очилди. Довондаги машҳур “ёғли патир”чилар жалб этилди. Ёнилғи қуйиш жойлари, овқатланиш мажмуалари ташкил этилди. Ҳар қандай мижоз талабига жавоб берадиган “Абу Даби” каби ошхона-

**1,5 триллион сўм бўлган 299 та лойиҳа амалга оширилмоқда. Натижада 3480 та янги иш ўрни яратилади;**

**– агар 2022 йилда 5 миллион АҚШ долларлик саноат ва қишлоқ хўжалиги маҳсулотлари экспорт қилинган бўлса, 2023 йилда у тўрт баробар кўпайиб, 21 миллион долларга етади. Бу рақамлар Ёзёвонда ишлаб чиқариш ҳажмидаги ўсишни яққол намойиш этмоқда.**

– 2022 йилда 195 миллиард сўмлик саноат маҳсулотлари ишлаб чиқарилган бўлса, бу йилнинг 6 ойидаёқ 200 миллиард сўмликка етди, – дейди Фарҳоджон Маматқулов.

Йил якунига қадар эса 590 миллиард сўмликка етказиш кутилмоқда ва бу 5-тоифадан 4-тоифага ўтишга асос бўлади.

Бунга ҳеч қандай шубҳа йўқ. Яна бир гапни айтмасак бўлмас. Ислохотлар, энг аввало, ёзёвонликлар турмуш даражасида ўз акси-



лар фаолиятини бошлади. Яна ўнлаб хизмат кўрсатиш марказлари қурилиши жадал олиб борилмоқда.

Келинг, туманни энг қуйи тоифадан олиб чиқиш ҳаракати натижаларини бир таққослайлик:

**– 2022 йилда Ёзёвонда 246 та саноат йўналишидаги корхоналар бўлган бўлса, бу йилнинг 6 ойида улар сони 350 тага етди;**

**– 2021 йилда туманга бор-йўғи 5 миллион АҚШ доллари миқдорда хорижий инвестиция киритилган бўлса, 2023 йилда у 52 миллион долларга етади;**

**– 2023 йилда жами қиймати**

ни кўрсатяпти. “Янги Ўзбекистон” массивидаги янги уй-жойлар сотила бошланди.

– Ёзёвондаги ислохотлар, тадбиркорликни ривожлантириш ҳисобига одамлар бойиб боряпти. 104 та хонадон 2023 йил охиригача қуриб битирилиши керак. Лекин ҳозиргача 50 та уйнинг эгалари бор, – дейди туман ҳокимининг қурилиш бўйича ўринбосари Дилмурод Бекмирзаев.

Бугун Ёзёвондаги ўзгаришларнинг бевосита ижрочи ва иштирокчилари бир сўзни такрорламоқдалар: “Бўлар эканку!”

**Муҳаммаджон ОБИДОВ.**  
**Элёр ОЛИМОВ олган суратлар.**



# ФАРҒОНАДА ЁШЛАР БАЙРАМИ



**"Ёшлар ойлиги" доирасида Фарғона вилоятида "Янги Ўзбекистон ёшлари, бирлашайлик!" шиори остида ўтказилаётган маънавий-маърифий тадбирлар ва сайиллар ҳақиқий байрам тусини олмоқда.**

Фарғонада ёшлар байрами Аҳмад Фарғоний ҳайкали пойига гулдасталар қўйиш билан бошланди. Сўнгра "Китоб карвони" лойиҳаси бўйича Республика Маънавият ва маърифат маркази томонидан 2500 дан зиёд китоблар вилоятдаги олий таълим муассасаларига тарқатилди. Маънавий-маърифий тадбирлар

доирасида маърифат тарғиботчилари, зиёлилар, олимлар, таниқли санъаткорлар ва ёшлар вакиллари Марғилон шаҳридаги "Хунармандлар маркази"да бўлиб, вилоятимизнинг ўзига хос хунармандчилик анъаналари билан яқиндан танишдилар. Миллий либослар кўргазмаси ташкил этилди. Умумтаълим мактабларини

аъло баҳоларга битирган йигит-қизларга олтин медаль тантанали топширилди. Рақамли технологиялар марказида эса Ўзбекистон Республикаси давлат герби қабул қилинганлигининг 31 йиллигига бағишланган давра сўхбати бўлиб ўтди. Шунингдек, имкониятлари чекланган шахслар, уйда таълим олаётган ёшлар хонадонига ташриф уларни беҳад шод этди.

Шундай тадбирлар вилоятимизнинг барча шаҳар ва туманларида бўлиб ўтапти. Фарғона, Қўқон шаҳарлари, Фарғона, Сўх туманларида эл суйган санъаткорлар, ёш хонандалар ва бадий жамоалар иштирокида гала концертлар ташкил этилмоқда.

**Ўз мухбиримиз.**

**Муқимжон ҚОДИРОВ олган суратлар.**



## ОЛИЙ ТАЪЛИМ ВА ИШЛАБ ЧИҚАРИШ ИНТЕГРАЦИЯСИ

**Олий таълим ва ишлаб чиқариш интеграцияси ижросини таъминлаш, таълим сифатини ошириш мақсадида Фарғона политехника институти раҳбарияти ва маҳаллий энгил sanoat корхоналари ўртасида тузилган икки томонлама мақсадли шартномаларга асосан энгил sanoat ва тўқимачилик факультети талабалари амалий ҳамда лаборатория машғулотларини ишлаб чиқариш шароитида ўтасмоқда. Олинган назарий билимлари амалий кўникмалар билан мустаҳкамланиб борилмоқда.**

Ўқув танишув, малакавий, ишлаб чиқариш, битирув олди амалиётларини олиб бориш учун "Баҳодир Лоғон текстил", "Ferghana Oseana", "А.Ақбарали текс", "Глобал текс", "Қува текстил", "Агросаноат мажмуасида хизматлар кўрсатиш маркази", "Ферғана Спиннинг", "POSCO international textile" каби корхоналар билан яқиндан ҳамкорлик қилиб келинмоқда.

Таълимнинг юқори босқичларидаги илмий тадқиқотчиларимиз, докторантларимиз етакчи олий таълим муассасалари ва илмий тадқиқот институтлари профессор-ўқитувчиларининг бевосита раҳбарликлари остида илмий иш олиб бормоқдалар. Ўзбекистон табиий толалар илмий тадқиқот институти, Тошкент тўқимачилик ва энгил sanoat институти, Наманган муҳандислик-технология институти ва Андижон машинасозлик институти шулар жумласидандир.

Институт талабалари, магистр ва докторантлари бўлган ёшларнинг олий таълим ва ишлаб чиқариш интеграцияси

самараси ҳақидаги фикрлари билан қизиқдик.

Отабек Қорабоев, энгил sanoat ва тўқимачилик факультети талабаси:

– Ўқиш давомидан энгил sanoat корхоналарининг технологиялари ва қўлланиладиган жиҳозлари ҳақидаги билимларни ихтисослик фанларини ўрганиш билан олиб бораётишимиз. Профессор-ўқитувчилар бизга назарий билимларни ўргатиш билан бирга корхоналарда амалга оширилаётган жараёнлар, янгиликлардан ҳам хабардор қилиб боришади. Энгил sanoat корхоналарида сунъий интеллектдан фойдаланишнинг аҳамияти устида илмий иш олиб бораётишимиз.

Муҳаммадоламгир Одилов, энгил sanoat маҳсулотлари технологиялари ва жиҳозлари таълим йўналиши магистранти:

– Ақлли матолар ва тўқимачиликда қўлланиладиган турли хомашёларнинг технологик кўрсаткичларини ўрганиш билан бирга уларнинг ассортиментини кўпайтиришда кимёвий аралашмалар ва табиий таркибга эга бамбук

тола етиштириш ҳамда қайта ишлаш устидаги илмий излашларимни ҳозир магистрлик диплом ишим мавзуси сифатида давом эттирмоқдаман. Институтимизда олиб борилаётган кенг кўламли ривожланиш стратегияси келажакда илмий салоҳиятга эга ёшларни тарбиялаш ва уларнинг республика илм-фанига ўз ўрнига эга бўлишларига қаратилган.

Баҳромжон Давронов, докторант:

– Тўқимачилик материаллари ва хомашёга дастлабки ишлов бериш ихтисослиги бўйича диссертациямни (PhD) Ўзбекистон табиий толалар илмий-тадқиқот институти раҳбари, техника фанлари доктори, профессор Охунжон Ахунбабаев илмий раҳбарликлари остида мазкур институт базасида олиб бораётишиман. Илмий излашларимда олинган тадқиқот натижаларини республика ва халқаро миқёсдаги техника журналларида тизимли равишда эълон қилиб бораётишиман.

Факультет профессор-ўқитувчилари томонидан таълим билан ишлаб чиқариш корхоналари интеграциясини мустаҳкамлаш борасида стратегик режалар муваффақиятли амалга оширилмоқда.

**Муҳайё НИЯЗАЛИЕВА, Фарғона политехника институти "Табиий толалар" кафедраси катта ўқитувчиси, техника фанлари бўйича фалсафа доктори.**

**Мамлакатнинг қудратини белгилайдиган оимлар кўп, бироқ уларнинг энг асосийларидан бири шу юртда вояга етаётган юксак маънавиятли, жисмонан соғлом, ҳар томонлама баркамол авлоддир.**

## Устувор йўналишлардан бири

Зеро, эл-юртнинг келажакда бугун камолга етаётган ёшлар қўлида. Ана шу эзгу мақсадларни амалга ошириш мамлакатимиз мустақил тараққиёт йўлидаги давлат сиёсатининг устувор йўналишларидан бири ҳисобланади. Шу сабабли ёшларга оид сиёсат Президентимизнинг диққат-марказида десак, хато бўлмайди.

Юртбошимиз Ёшлар куни муносабати билан Ўзбекистон ёшларига йўллаган табригида: "Биз ёшларга доир давлат сиёсатини ҳеч оғишмасдан, қатъият билан давом эттираётишимиз. Нафақат давом эттираётишимиз, балки бу сиёсатни устувор вазифа сифатида бугун давр талаб қилаётган юксак даражага кўтарамиз. Сизларнинг замонавий билим ва касб-хунарларни эгаллаб, ҳаётда ўз мустақам ўрнини топишингиз, бахтли бўли-

шингиз учун давлатимиз ва жамиятимизнинг бор куч ва имкониятларини сафарбар этаётишимиз", деган эди.

Бугун ислохотлар ўз натижасини бера бошлади. Ёшларимиз таълим, спорт, санъат каби соҳаларда жаҳондаги тенгдошлари билан бемалол баҳсга киришиб, керак бўлса, устунлигини кўрсатмоқда.

Бу эса мамлакатимиз ёшлари улкан ижодий, интеллектуал, ижтимоий-сиёсий салоҳиятга эга эканлигидан далolat. Биз эса чин маънода юртини юксалтириш йўлида тинмай ҳаракатда, ўқиш-излашда бўлган ёшларни ҳамisha олқишлаймиш.

**Шоҳиста МАТФОЗИЕВА, Фарғона вилояти давлат архиви ходими.**



# АТИРГУЛЧИЛИК – ФАРҒОНА ШАҲРИНИНГ ЯНГИ “ДРАЙВЕР”И

**Атиргулнинг чиройи-ю ифоридан кўнгли сурурга тўлмайдиган одам бўлмаса керак. Инсонларнинг кундалик ҳаётида севги, гўзаллик, муҳаббат ва ҳурмат ифодаси сифатида алоҳида ўрин тутган атиргул яқин йилларда оилага барака ва фаровонлик олиб кирадиган ўсимликка айланди.**

Маълумотларга кўра, атиргулнинг келиб чиқиши Шарқий Осиёга бориб тақалади. Асрлар ўтиб, бутун дунёга тарқалган, унинг янги навлари яратилган. Нафақат гўзаллик рамзи, балки sanoat хомашёсига айланган. Қадимги даврларда атиргул боғлари финикияликлар, юнонлар ва римликлар учун бугдой, сабзавот, полиз далалари каби муҳим аҳамиятга эга бўлган. Изланишлар натижасида топилган манбаларнинг гувоҳлик беришича, бу ўсимликдан одамлар 5,5-6 минг аввал фойдалана бошлаган. Крит оролида тадқиқот олиб борган олимлар 3500 йил илгари тасвирланган атиргул тимсолини топишган.

Ўзбекистонда атиргулчилик, аниқроғи, атиргул боғларини ташкил этиш билан шуғулланиш нисбатан янги соҳа ҳисобланади. Вилоятимизда, айниқса, Қўва туманида маълум тажриба мактаби яратилган. Кўчатчилик ҳадисини олган қуваликлар атиргул етиштириш технологиясини ҳам яхши ўзлаштиришган. Ҳозирда 15 мингдан зиёд хонадон гулчилик билан шуғулланмоқда. Уларнинг бой тажрибаси мамлакат бўйлаб оммалаштирилаётгани эътиборга молик.

Ифори ва гўзаллиги билан барчани мафтун этувчи атиргуллар эндиликда Фарғона шаҳрида ҳам етиштирилади. Бу соҳани илмий асосда, юксад агротехник талаблар асосида ривожлантириш ва унинг экспортини йўлга қўйиш учун эса Атиргулчилик кооперацияси фаолияти йўлга қўйилди.

Кооперация тасарруфига шаҳар ҳудудидан 100 гектардан зиёд ер ажратилиб, улар аукцион орқали талабгорларга ажратилди. Гулчиликда анча-мунча тажрибаси бор деҳқонлар ва соҳани ўрганишга иштиёқи баланд ёшлар ўзларига бириктирилган майдонларга атиргул уруғи ва кўчатларини экдилар. Бу истиқболли лойиҳа орқали мингга яқин аҳолининг бандлиги таъминланмоқда.

Бир қарашда, тез кунда сифатини йўқотадиган атиргуллар аслида жуда яхши даромад манбаи эканлигини ҳамма ҳам яхши билавермайди. Лекин мутахассислар ва оддий деҳқонлар билан гаплашсангиз, унинг sanoatда, фармацевтикада, косметологияда қанчалик муҳим хомашё эканлигини ҳис этасиз.

Ҳалол меҳнатнинг нони ширин бўлишини бошидан ўтказган қувалик Ҳотамжон Маҳмудов кооперациянинг энг

илғор гулчи-деҳқонларидан. У бундан 30 йил аввал атиргул етиштиришга бел боғлаганди. Дастлабки йилларда омади чопмаганига қарамасдан, тинимсиз изланди, меҳнат қилишдан, тажрибали деҳқонлар билан маслаҳатлашишдан, соҳага оид рисоаларни ўқиб чиқишдан чарчамади. Ўз томорқасида синов ва тажрибалар ўтказди ва ниҳоят, атиргул етиштириш-

нинг энг нозик томонларигача ўзлаштириб олди.

Ким нима десину, гул етиштириш қанчалик машаққатлигини Ҳотамжон Маҳмудов деҳқончилиги мисолида айтиб ўтиш мумкин. Гуллаганда баҳри дилингизни очадиган, кайфиятингизни кўтарадиган атиргул жуда парваришталаб. Айниқса, унинг гуллашигача бўлган даврда агротехник тадбирларни

қисқа вақтда бажаришга тўғри келади. Ўзи айтмоқчи, шундай кунлар борки, даладан чиқиб бўлмай қолади. Ўғитлаш, суғориш, қатор ораларига ишлов бериш, шох-шаббасини кесиш, касаллик ва зараркунандалардан сақлаш ишлари кун санайди. Пишиб етилган гул япроғи тезда йиғиштириб олинмаса, сифати бузилади, экспорт талабига жавоб бермай қолади. Шундай вазиятда фермер хўжалиги аъзоларидан ташқари, қўшимча иш кучи талаб этилади, ўнлаб хотин-қизлар ёрдамга жалб қилинади. Албатта, уларнинг

Бугунги кунда кооперация ерларида маҳаллий иқлим шароитига мос, маҳаллийлаштирилган, серҳосил атиргул навлари ўстирилмоқда.

– Дунёнинг энг ривожланган давлатларининг иқтисодий ривожланишида гулчилик катта ўрин тутди. Атиргул етиштириш хазинага эга бўлиш билан баробар. Бир гектар ер майдонида 150-160 минг дона атиргул кўчатлари етиштирилса, деҳқон миллионлаб фойда олиши мумкин. Бундай даромадни топиш учун ўзига яраша меҳнат, сабр ва харажат талаб этилади, –



дейди моҳир гулчи-деҳқон Ҳотамжон Маҳмудов. – Атиргул икки йил деганда даромадга киради. Агар агротехник тадбирлар вақтида ва

тўғри олиб борилса, ўсимлик тупидан 8–12 донагача гул олиш мумкин. Биз ҳозирда ички бозордан ташқари, чет давлатларга хомашё чиқара бошладик. Асосий харидорларимиз Россия, Польша, Қозоғистон, Туркманистон, Германия, Туркия. Ҳали бу билан чекланмаймиз.

Гулчи деҳқоннинг фикрича, атиргул маҳсулотини ўзимизда қайта ишлаш даромад манбаини янада кўпайтиради. Кўп давлатларда гулчилик яхши ривожланган бўлишига қарамай, унинг хомашёсига талаб юқори. Демакки, келгуси йилларда атиргулчилик Фарғона шаҳрининг янги "драйвери"га айланади.

**Муаттар МАҲМУДОВА.**

манфаатдорлиги эвазига.

Ҳотамжон

Маҳмудов атиргул кўчатлари етиштириб ва унинг гул япроқларини сотиб яхшигина даромад олмақда.

Ҳалол меҳнат ортидан келган маблағ эвазига янги уй-жой қурди, уни жиҳозлади, рўзгорини бутлади, тўй қилди, атиргул далаларини кенгайтirdи. Айни пайтда у кўп йиллик тажрибаси асосида Фарғона шаҳрида деҳқончилик қилмоқда.

МУАССИС:  
«Farg'ona haqiqati» va  
«Ferganskaya pravda»  
gazetalari tahririyati

Бош муҳаррир:  
Рустам ОРИПОВ.

2021 йил 18 августда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги Фарғона вилояти ҳудудий бошқармасида 12-001 рақами билан рўйхатдан ўтган.

Газета "Полиграф-пресс" МЧЖ босмаҳонасида таҳририятнинг оригинал макети асосида офсет усулида А-3 формат (8 саҳифа)да 2090 нусхада чоп этилди.  
Буюртма №:427. Босмаҳона манзили: Фарғона вилояти, Маргилон шаҳри, Туркистон кўчаси, 236-«б» уй.

Бизнинг манзил:  
150114, Фарғона шаҳар, Сохибкирон Темур кўчаси, 28-уй.

Бош муҳаррир қабулхонаси: (факс) 73 226-02-70.  
Реклама ва эълонлар: 73 226-71-24.

Саҳифаловчи: Достонбек Холматов.  
Босишга топшириш вақти: 18.00.  
Топширилди: 17.00.

ISSN: 2010-8370



9 772 010 837 006